



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

An ignorantes se esse sectarios, sint excusati. tit. 216

urn:nbn:de:hbz:466:1-29452

illis & catholica fides, sola est vera: & quicumq; vult saluus esse, opus est vt teneat catholicam fidem, inquit Athanasius.

Insuper, si vitant peccatores, nunquid non & ipsi orant sibi dimitti peccata, Mat. 6? Si orant, ergo & ipsi peccatores: Si non, arguit eos Apostolus 1. Ioan. 1. Si dixerimus quia peccatum non habemus, nos ipsos seducimus. Leuent ergo primum lapidem, &c. Ioan. 8. Ex nulla igitur parte potest iustificari secta: in odio vivit & nutritur, extra vnitatem vniuersalem exiit. Felix igitur quē docuerit vnctio Spiritus sancti, quod catholicus permaneat in fide, vita, &c. Communicare sub duplici specie, sacerdotem nubere, comedere carnes extra necessitatem, frangere ieiunia, &c. res in se nō est adeo mala, sed grauius peccatum est odium quā opus sectæ, &c. Erasmus in Psalm. 83. Stultum est sic odisse mores quorundam pontificum, sacerdotum, Monachorum, vt ipsi fiamus deteriores: deterior fit, qui recedit ab Ecclesiæ consortio, aut in schisma vel hæresim demigrat, quā qui impurè vivit.

*AN IGNORANTES SE ESSE
sectarios, sint excusati.*

TITVLVS CCXVI.

Notandum primò, quod Deus ordinavit in mūdo publicè denunciare Evangelium, Marc. ultimo. Ite in mundum &cæt. & sic in omni terra diuulgatum est, quod nemo ignorat, saltem quo ad famam. Psalm. 18. In omnem terram &cæt. Roman. 10. si quis nunc fidem Christi vult studio ignorare, hic nō excusatur, 1. Corinth. 1. Prædicamus Christum crucifixum, Iudeis scandalum, gentibus stultitiam: subinde publicè docetur, quod in Adam omnes peccauimus, Romanor. 5. & si quis vult liberari à tali peccato,

111 4

caro, vt renascatur, Ioann. 3. Nisi quis renatus fuerit &c. si quis nollet scire se esse peccatorem, nec baptizari, illum non excusat ignorantia, & licet peccato alieno sit damnatus, attamen quandò hoc scit, & nõ vult vti medio baptismatis, quo iterum recõuilietur, non excusatur. Nemo etiam prætendere potest omnimodam ignorantiam, quia hæc (id est, peccatum & fides) quotidie in Ecclesia docentur publicè.

Sic quoniam scriptura docet schisma esse peccatũ, & illud prohibet Christus Matt. 24. Multi venient, & dicent: Ecce hic est Christus, & Paulus 1. Cor. 1. Obsecro ne sint in vobis schismata Gala. 5. Sectæ regnũ Dei &c. Et quoniam hoc publicè docetur in Ecclesia, quæ sit differentia inter catholicum & sectarium, potestas quoq; vtraque denunciat hoc Ecclesiæ, Mat. 18. Igitur qui hoc quotidie audiunt, & tamẽ pergunt in secta, vel quòd odiunt Clerum, aut voluptate aut proprio commodo mouentur, &c. Tales non sunt excusari, &c. Ideo cùm schisma non sit occultum, nemo excusatur coram Deo. Testantur conciones & libri differentiam &c.

Secundò, neque excusantur, quia potestas sic precipit & vult. Nam obedire Deo & vniuersali Ecclesiæ plũs oportet, quàm priuato domino, Act. 5. Nec excusari, quia plebanus tuus sic docet. Nam Christus iubet attendere à falsis prophetis: & vt scias, qui sint falsi prophetae, Ecclesia & potestas, qua probatur spiritus, 1. Ioan. 4. tibi denunciauit. sic concilium, Papa, Cæsar, &c.

At dices: Quid possunt infantes sectariorum parentum ad hoc, quandò moriuntur in tali secta? Respondeo, Quid possunt ad hoc, quòd in peccatis originalibus nascuntur? attamen damnantur, si non per fidem & baptismum renascantur: sic pueri postquam audierunt differentiam, nisi redierint ad vnitatem Ecclesiæ, non saluantur.

At quid

At quid faciet tunc simplex idiota Laicus, penitus ignorans differentiam, nec intelligens dogmata? Respondeo, credat corde Ecclesiam catholicam, & apud illam se velle viuere & mori, & oret Deum pro misericordia. At grauissimè punientur sollicitatores à catholica vnitare.

Inquies: viri boni, docti, sunt sectarij, bonæ vitæ, omnia ordinatè faciunt, diligentius docent catechismum, prædicant, administrant sacramenta. Respondeo: Vnum deest, inquit Augustinus, vnitatis & charitatis, 1. Cor. 13. Sine qua cor languidum est, etsi omnia alia membra sint sana, &c. Summa, dissensio semper cor mordet, & hic vermis non morietur, sicut nec in Cain erga Abel, Genes. 4.

VENERARI SANCTOS

an sit traditio humana.

TITVLVS CCXVII.

P RIMò notandum, quòd solus Deus est sanctus, bonus, iustus, sapiens, misericors, & verax, s. natura. Cætera omnia siue homo siue creatura, sunt sancta, iusta, bona, &c. ex donatione & concessione diuina, Psalm. 98. Quoniam sanctus Dominus Deus noster, Leuit. 20. quoniam & ego sanctus sum. Matth. 19. Nemo bonus, nisi vnus Deus. Romano. 16. Cogniti soli sapienti Deo per Iesum Christum. Matt. 23. Vnus est magister vester, id est, ex natura propria, & non habet ab alio Deus suam sanctitatem, bonitatem, iustitiam &c. At omnes cæteri sancti & angeli habent suam sanctitatè, bonitatem, iustitiam à Deo, 1. Corinth. 4. Quid habes quod non accepisti? Sunt enim omnia dona Dei.

Secundò, ex quo sanctitas, bonitas, iustitia, &c. est à Deo, quam habent omnes sancti, quòd ergò veniamur sanctitatem, iustitiam, bonitatem sanctorum,

Ili s cum.